

Ժողովուրդ

57
(2723)

19 ապրիլի չորեքշաբթի 2023
տպագրության ԺԲ տարի

✉ ք. Երևան, Արմավյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

ՆԻԿՈՒ ՓԱՇԻՆՅԱՆԸ ԽԱՔԵԼ Է. ՄԱՍ 177



Նիկոլ Փաշինյանը երեկ Ազգային ժողովի ամբիոնից հերթական անգամ հանդես եկավ հայտարարություններով, որոնք իրականությանը չեն համապատասխանում: Մասնավորապես, խոսքը 2021 թվականին Սերժ Սարգսյանի կողմից հրապարակված մի ձայնագրության մասին է, որտեղ Նիկոլ Փաշինյանը խոսում է Ղարաբաղի հարցից եւ ասում, թե՛ «ինձ գծի տեղ կղնեմ»: Եվ, ահա, երեկ խորհրդարանում Փաշինյանը հանկարծ հիշեց մոտ 2 տարի առաջ հրապարակված ձայնագրությունը՝ հարցադրումով հայտարարելով. «Կարո՞ղ է այդ մարդը մեր խմբակցության անդամ է եղել, հիմա էլ ուրիշ խմբակցության անդամ է: Եկե՛լ է, հեղափոխական թիմի նիստը ձայնագրել է, տարել տվել է Սերժ Սարգսյանին»:

Սա լկտի սուտ է մի քանի պատճառով. նախ՝ ձայնագրության հրապարակումից հետո ՀՀ-ական շատ գործիչներ, այդ թվում՝ Արմեն Աշոտյանը, հրապարակել էին տեղեկություններ այն մասին, որ այդ ձայնագրությունը արվել է նեղ շրջանակով հանդիպման ժամանակ, որին ներկա է եղել պատվիրակություն Արցախից՝ Արայիկ Զարուբանյանի գլխավորությամբ:

Ստե՛լ է Նիկոլ Փաշինյանը, քանի որ ձայնագրությունը բավականին մոտիկից է արված, իսկ «հեղափոխական նիստերի» ժամանակ Նիկոլ Փաշինյանը միշտ խոսել է ամբիոնի մոտից կամ դիմացի սեղանի մոտից (ինչպես վերջերս ադրբեջանի դրոշի գույներով ժամացույցի դիմաց էր նստած), եւ նույնիսկ տեսականորեն անհնար էր, որ որեւէ պատգամավոր կարողանար ձայնագրել Փաշինյանին այդքան մոտիկից եւ պարզ լսողությամբ:

Ստե՛լ է Փաշինյանը, քանի որ ձայնագրության հրապարակման ժամանակ հենց իրենք ԶԳ ներսում քննարկել են բոլոր վարկածներն ու բացառել պատգամավորներից որեւէ մեկի դերակատարության տարբերակ՝ գալով եզրակացության, որ իրեն գծի տեղ դնելու մասին Փաշինյանը խոսել է Կառավարությունում՝ նեղ կազմում:

Եւ ուրեմն ինչո՞ւ էր նա երեկ զգույշ, հարցական ձեւակերպումներով, առանց անուն տալու թիրախավորում ընդդիմադիր պատգամավորներից մեկին. նշանակում է, որ կա քաղաքական որոշում ընդդիմադիր պատգամավորի նկատմամբ՝ սոր արշավի: Իր ազդեցիկությամբ նա տվեց մեկնարկը: Մենք կհետեւենք զարգացումներին:

Նիկոլ Փաշինյանն այնուհետ չի կարողանում թաքցնել իր սեփական վախերը: Սրա մասին վկայում է նաեւ երեկվա՝ մեծաթիվ թիկնապահների ու ոստիկանների ուղեկցությամբ խորհրդարան գալը: Փաշինյանն այս անգամ իսկապես գերազանցել էր ինքն իրեն. նախ՝ նրա՝ երեկվա խորհրդարան գալն աննախադեպ էր նրանով, որ պատմության մեջ առաջին անգամ վարչապետի մեծաթիվ թիկնապահներ հայտնվել էին ԱԺ դահլիճի ներսում: Պատմության մեջ չի եղել դեպք, որ վարչապետի թիկնապահը մտնի ԱԺ նիստերի դահլիճ, իսկ Փաշինյանն այս հարցում էլ է որոշել «պատմություն» կերտել: Ֆրակցիաների շարքերից յուրաքանչյուրի վերելում կամ ներքեում՝ նստած էին նրա թիկնապահները եւ հսկում էին պատգամավորներին: «Ժողովուրդ» օրաթերթը նկատեց նաեւ, որ ԱԺ դահլիճ մտնող բոլոր մուտքերի մոտ, բացի ՊԳԾ աշխատակիցներից, կանգնած են նաեւ Փաշինյանի՝ քաղաքացիական հագուստով, բայց զինված թիկնապահները: Այս աստիճան ուժեղացված անվտանգությունը վկայում է մեկ բանի մասին՝ Փաշինյանը վախենում է, իսկ թե՛ ինչից, միայն նա կհմանա: Փաստացի հեղափոխությունից հետո մետրոներով ու հեծանիվներով շրջող իշխանության ներկայացուցիչներն այլեւս առանց թիկնապահների քայլ չեն անում:



Շուրջ երկու տարի պաշտպանության նախկին նախարար Դավիթ Տոնոյանի քրեական գործով կալանավորված ԳՇ ավիացիոն վարչության նախկին պետ Ավետիք Մուրադյանի դատերը ազատել են աշխատանքից: Նա աշխատում էր ՀՀ արտակարգ իրավիճակների նախարարությունում: «Ժողովուրդ» օրաթերթին հայտնի դարձավ, որ կալանքի տակ գտնվող վարչության նախկին պետի դուստրը ապրիլի 16-ին պետք է կապիտանի կոչում ստանար, սակայն ապրիլի 13-ին լրացել է պայմանագրի ժամկետը, եւ ԱԻՆ նորանշանակ նախարար Կամո Տուրուբյանը չի ցանկացել պայմանագիրը շարունակել նրա հետ, ՊՆ պաշտոնյայի դատերը ազատել է պաշտոնից՝ անգամ չտալով կապիտանի կոչում: Սա եւս՝ քաղաքական ռեպրեսիաների շարքից:



«Ժողովուրդ» օրաթերթի տեղեկություններով՝ ընդդիմադիր «Հայաստան» խմբակցությունը մտադիր է ժամանակավոր քննիչ հանձնաժողով ստեղծելու նախաձեռնությամբ հանդես գալ: Հանձնաժողովն ուսումնասիրելու է պատգամավորների կողմից թույլ տված վարքականությունների խախտման բոլոր դեպքերը: Տեղեկացանք, որ ընդդիմադիրների այս նախաձեռնության համար հիմք են հանդիսացել, մասնավորապես, ԱԺ նախագահ Ալեն Սիմոնյանի մասնակցությամբ՝ Երեւանի կենտրոնում քաղաքացուն վիրավորելու եւ նրա վրա թեքելու դեպքը, ՄԻՊ թեկնածուի քննարկման ժամանակ ԱԺ մարդու իրավունքների պաշտպանության եւ հանրային հարցերի մշտական հանձնաժողովի նիստին ԶԳ խմբակցության քարտուղար Արթուր Հովհաննիսյանի խուլիգանական վարքագիծը, ինչպես նաեւ փետրվարի 3-ին Լաչինի միջանցքի թեմայով խորհրդարանական լսումների ժամանակ ԶԳ-ական պատգամավոր Գուրգեն Արսենյանի հայտարարությունը, թե՛ 120 հազար արցախցու համար չարժեք շիկի տակ դնել 3 միլիոն հայաստանցու ճակատագիրը: Ահա այս միջադեպերն ուսումնասիրելու հարցով ընդդիմադիրներն առաջարկում են ժամանակավոր հանձնաժողով ստեղծել: «ԱԺ կանոնակարգ» օրենքը սահմանում է, որ ժամանակավոր հանձնաժողովը ստեղծվում է Ազգային ժողովի որոշմամբ, իսկ հանձնաժողովը ստեղծելու նախագիծ ներկայացնելու իրավունքն ունի խմբակցությունը. նախաձեռնողը «Հայաստան» խմբակցությունն է: Ժամանակավոր հանձնաժողովի անդամների թիվը եւս սահմանվում է Ազգային ժողովի որոշմամբ, իսկ հանձնաժողովի կազմը հաստատում է Ազգային ժողովի նախագահը: Ըստ նույն օրենքի՝ հանձնաժողովում տեղերը բաշխվում են խմբակցություններում ընդգրկված պատգամավորների թվի համամասնությամբ, ինչն էլ ենթադրում է, որ ԶԳ-ականները մեծամասնություն են կազմելու ստեղծվելիք հանձնաժողովում: Պարզ չէ՝ ի՞նչպիսի մեծամասնությունը անդամներ ընդհանրապես կտա այդ հանձնաժողովին, թե՛ այն կմա այդպես էլ չձեւավորված:



ԹԵԺԱՑՈՒՄ ԿԼԻՆԻ

ՈՒԺՈՎ ԿԱՐՈՂ ԵՆՔ ՀԵՏ ՄՂԵԼ

«Ժողովուրդ» օրաթերթը Հայաստանի սահմաններին արձանագրված վերջին միջադեպերի շուրջ գրուցել է ՀՀ նախկին վարչապետ, Կառավարման ակադեմիայի դոկտոր Խոսրով Հարությունյանի հետ:

-Պարոն Հարությունյան, վերջերս հերթական անհասկանալի միջադեպ արձանագրվեց մեր սահմաններին: Ապրիլի 10-ին արդրեջանցի երկու զինծառայող անարգել հատել էին մեր սահմանը, մտել մեր տարածք՝ Սիսիանի հատվածից, բնակիչների տներն էին մտել: Նրանցից մեկը հենց դեպքի նույն օրը ձերբակալվել էր, իսկ մյուսը շուրջ երեք օր շրջել էր Սիսիանի գյուղերում, եւ մեր տարածք մտնելուց երեք օր անց նոր հայտնաբերվել էր, այն էլ՝ ոչ թե իրավապահների, այլ քաղաքացիների կողմից: Ի՞նչ գնահատական կտաք սրան. մեր անվտանգությունն իսկապէս այդքան վատ վիճակում է:

-Շատ խորթափանց պետք է լինել գնահատական տալու համար. կարելի է ասել, որ մեր սահմաններն այնքան թափանցիկ են, որ ով չի պարոմ, կարող է մտնել ու կիրամետրերով առաջանալ: Այդ դեպքը խոսում է այն մասին, որ մեր անվտանգությունը՝ սահմանների անձեռնմխելիության կոնտեքստում հատկապես, բացարձակ բարձրորդի վիճակում են, այլ բան ասել պետք է: Ամենազարմանալիս այն է, որ իրավապահները եւ ԱԱԾ-ն փնտրում էին դիվերտանտներին, բայց քաղաքացիներն են ի վերջո գտնում նրանց, վնասագերծում եւ հանձնում իրավապահներին. սա իրողություն է: Խիստ մտահոգիչ է, որ մեր սահմանները պաշտպանված չեն:

-Պարոն Հարությունյան, կարող ենք նաեւ արձանագրել, որ, օրինակ, երբ որեւէ քաղաքացի հայիցում է վարչապետին կամ իշխանության ներկայացուցիչներից որեւէ մեկին, իրավապահներին հաջողվում է ժամերի ընթացքում գտնել այդ քաղաքացուն եւ պատասխանատվության ենթարկել, իսկ այս դեպքում, երբ հարցը վերաբերում է անվտանգային



Լուրջ հարցին, իրավապահները, կարծես, ընդհանրապես չեն էլ շտապում:

-Սա նշանակում է, որ քաղաքացիները կարող են լուրջ պահանջներ ներկայացնել ԱԱԾ-ին: Ոստիկանությունը եւս պետք է աշխատեր՝ ԱԱԾ-ի հետ համագործակցությամբ, բայց համար մեկ ինչ-որն այս դեպքում ԱԱԾ-ին. սահմանների անվտանգությունը նրանք են երաշխավորում: Ակնհայտ է այս դեպքով նաեւ Նախիջեւանից Հայաստանի վրա ճնշումները բարձրացնելու առաջին քայլը: Ես համոզված եմ, որ առաջիկայում ակնատես կլինենք այդ ուղղությունից մեծ ճնշումների՝ թե՛ զինվորականների մասնակցության, թե՛ հետեւանքների առումով: Այսինքն՝ Նախիջեւանի կողմից այս ներթափանցումը դեռ միայն «ծաղիկներն են», կտեսնեք՝ ինչպես է այդ հատվածում իրավիճակը թե՛ մանալու, որովհետեւ այնտեղ կա Տիգրանաշեն.

իրենք ամեն ինչ անելու են Տիգրանաշենը վերցնելու համար:

-Այսինքն՝ թշնամու հաջորդ թիրախը Տիգրանաշենն է լինելու:

-Ես ենթադրում եմ մենք կունենանք թե՛ ժառանգում Նախիջեւանի հատվածում:

-Պարոն Հարությունյան, 44-օրյա պատերազմից հետո հակառակորդը մեր ինքնիշխան տարածքում Սյունիքի եւ Գեղարքունիքի հատվածներում, ապօրինի առաջ է եկել: Ի՞նչ եք կարծում, բանակցությունների միջոցով հնարավոր է նրան ստիպել, որ վերադառնա ելման դիրքեր:

-Այս հակառակորդը չի գնա, ուզում էք՝ բանակցեք, միեւնույնն է, Ալիեյը հետ գնացող չէ: Ես կարծում եմ մենք ուժով կարող ենք հետ մղել նրանց, եթե ճիշտ կազմակերպենք ոչ միայն ռազմական քայլերը, այլ նաեւ միջազգային հանրության անհրաժեշտ աջակցությունն ապահովենք:

Ջրուցեց ՔՐԻՍՏԻՆԱ ՍՈՒՇԵՆՅԱՆԸ



ԻՐԱՎՈՒՆՔՆԵՐԻ ԿՈՊԻՏ ԽԱՆՏՈՒՄՆԵՐ



«Ժողովուրդ» օրաթերթի տեղեկություններով՝ Շիրակի մարզում շարունակվում է կալանավորների հիմնարար իրավունքների կոպիտ խախտումների դեպքերը:

Մասնավորապես՝ բացի այն, որ մի քանի ամիսը մեկ Շիրակի մարզի դատավորները տեղափոխվում են այլ դատարաններ, եւ գործերը կրկին սկսվում են քննվել սկզբից, գործում է նաեւ դատական նիստերը հետաձգելու այլ «սկզբունք», մասնավորապես՝ գործը ուղարկվում է դատարան, որոշվում է անձի խափանման միջոցի հարցը, եւ եթե դատարանը կալանավորումը թողնում է անփոփոխ, ապա հետագայում դատական նիստեր ուղղակի չեն կայանում:

Այսինքն՝ մի շարք գործերով նշանակված դատական նիստերը անընդհատ հետաձգվում են կամ ուղեկցող խմբի անգործության հետեւանքով, կամ դատարանը պատճառաբանում է, որ ծանրաբեռնված է:

Կան գործեր, որոնցից մեկով 2022 թվականի հունիսից մինչ օրս որեւէ դատական նիստ տեղի չի ունեցել, քանի որ կան ուղեկցող խումբը չի ներկայացրել կալանավորին դատարան, կան դատավորի ծանրաբեռնվածության պատճառով նիստը չի գումարվել:

Մեկ այլ գործով էլ անձը շուրջ երեք տարի գտնվում է անազատության մեջ, այդ ընթացքում գործը անցել է մի քանի դատավորների վարույթներով, սակայն դատական նիստերը կրկին հետաձգվում են վերը նշված նույն պատճառներով, իսկ մարդը շարունակում է անորոշ մնալ կալանքի տակ:

Սույն եւ այլ գործերով եւս արդեն իսկ առկա են Կոնվենցիայի դրույթների կոպտագույն խախտումներ, քանի որ որեւէ խոսք չի կարող գնալ արդար դատաքննության մասին այն պարագայում, երբ ամիսներ շարունակ դատական նիստեր տեղի չեն ունենում: Բացի վերը հիշատակված խնդիրներից, կալանավորներից որոշները ունեն առողջական լուրջ խնդիրներ, այդ թվում՝ հաշմանդամության կարգ: Արձանագրվել են նաեւ դեպքեր, երբ անձը կամավոր մասնակցել է 44-օրյա պատերազմին, սակայն ներկա պահին ամիսներ շարունակ կալանավայրում սպասում է, թե երբ պետք է ի վերջո դատական նիստ տեղի ունենա:

Այսինքն՝ կալանավորումը խափանման միջոց չէ, այլ կրում է պատժի տարրեր:

Վերը նշված խնդիրներով պայմանավորված՝ մի շարք կալանավորներ պատրաստվում են հացարդով իրականացնել առաջիկայում:

ԱՐՏԱՅԵՐԹ ՆԻՍ

ԽԱՂԱՎՈՒԹՅՈՒՆ՝ ՀԱՐԱԲԵՐՈՒԹՅՈՒՆՆԵՐԻ ԿԱՐԳԱՎՈՐՄԱՄԲ

Խաղաղություն նշանակում է հարաբերությունների կարգավորում Թուրքիայի եւ Ադրբեջանի հետ. այս մասին Ազգային ժողովի արտահերթ նիստին՝ «Կառավարության 2022թ. ծրագրի (2021-2026թթ.) ընթացքի եւ կասարողականի մասին» հաշվետվության ֆինանսման ժամանակ ապրիլի 18-ին, ասել է հանրադեմության վարչապետ Նիկոլ Փաշինյանը:

Կառավարության ղեկավարի խոսքով՝ Հայաստանը պարտադիր կարգով պետք է կարգավորի հարաբերությունները հարեւանների հետ: «Պետք է նշեմ մեր բացառիկ պատասխանատվությունը մարդկանց առջեւ, որոնք հավատում են Հայաստանի ապագային: Պետք է նաեւ նշեմ մեր պատասխանատվությունը նաեւ բոլոր նրանց առջեւ, որոնք կասկածանքով են վերաբերվում այդ ապագային: Եվ այդ պատասխանատվությունը ներկա պատմական պահին կարող է միայն մեկ դրսեւորում ունենալ՝ խաղաղություն, որը նշանակում է հարաբերությունների կարգավորում բոլոր չորս հարեւանների հետ», - ասել է վարչապետը: Նա նշել է, որ Իրանի եւ Վրաստանի հետ կա միայն հարաբե-



րությունները խորացնելու անհրաժեշտություն: Սակայն գլխավոր հարցը, նրա խոսքով, այլ է. որքանով է դա իրատեսական եւ իրականանալի: «Այս հարցը երկու կողմ ունի: Նախ՝ խաղաղությունը չի կառուցվում միանձնյա: Կարելի է, թե որքանով Ադրբեջանի գործողությունները եւ քաղաքականությունն ուղղված կլինեն

խաղաղությանը: Երկրորդ՝ հատկապես 44-օրյա պատերազմից հետո, եթե փոխզիջումներ ձեռք բերվեն, կարելի է հասկանալ, թե որքանով դրանք ընդունելի կլինեն Հայաստանի քաղաքացիների համար, եւ որքանով նրանք թույլ կտան այդ փոխզիջումների ցավոտ իրականացումը», - ասել է Փաշինյանը:

ԻՐԱՎԻՃԱԿ

ԱՌԵՐԵՍՎԵՆՔ

ԻՆՉՊԵՍ Է ՊԱՏԿԵՐԱՑՆՈՒՄ ԳՈՐԾԸՆԹԱՅԸ

ԻՐԱՎԻՃԱԿԸ՝ ՍՈՒՔԻ ՀԱՆՔՈՒՄ

Ապրիլի 18-ի դրությամբ՝ վաղ առավոտից, հակառակորդը կրակում է Սոթքի հանքավայրի աշխատակիցների ուղղությամբ՝ թիրախավորելով խաղաղ բնակիչներին...

Նրա հաղորդմամբ՝ այս պահին հանքավայրի աշխատանքը շարունակվում է դադարեցած մնալ, աշխատակիցները տարհանված են...

Հիշեցնենք, որ ապրիլի 16-ին՝ ժամը 22:50-ի սահմաններում, Ադրբեջանի ԶՈՒ ստորաբաժանումները տարբեր տրամաչափի հրաձգային զենքերից կրակ են բացել Սոթքի ուղղությամբ...

ԺԱՄԱՆԱԿԱԿԻՑ ՄՏԻ ԳԵՏԵԿՏՈՐ

ՀՀ կառավարության ծրագրի 2022 թվականի կատարման ընթացքի ու արդյունքների մասին զեկույցից ArmLur.am-ը տեղեկացավ, որ ՀՀ արդարադատության նախարարության «ՀՀ փորձագիտական կենտրոն» ՊՈԱԿ-ը ձեռք է բերել ժամանակակից ստի դետեկտոր (պոլիգրաֆ)։

Թե ինչու է կառավարությանը անհրաժեշտ ստի դետեկտոր, թերևս դժվար չէ կռահել, բայց փաստենք, որ ՀՀ կառավարությունն իսկապես ունի ստի դետեկտորի կարիք, որպեսզի պարբերաբար ստուգի իր իսկ ներկայացուցիչների նախկին հայտարարությունները։

«Ժողովուրդ» օրաթերթը պարբերաբար հրապարակում է «Նիկոլ Փաշինյանը խաբել է» շարքը, որի հոդվածները քանակը հասել է 180-ի։

ՈՐՈՇՈՒՄՆ ԸՆԴՈՒՆՎԵԼ Է

4,7 մլրդ դրամ (մոտ 12 մլն դոլար խմբ.) է հատկացվել բազմաբնակարան տներում 473 վերելակներ փոխելու համար։ Այս որոշումն ապրիլի 18-ին ընդունվել է Երեւանի ավագանու նիստում։

Ընդհանուր առմամբ, կառավարությունը Երեւանի քաղաքապետարանին հատկացրել է ավելի քան 10 մլրդ դրամ կապիտալ ծախսերի, այդ թվում՝ մետրոպոլիտենի օդափոխման համակարգը փոխելու համար։ Այդ միջոցներով նախատեսվում է նաև ապահովել Նոր Խարբերո թաղամասի 250 տների գազամատակարարումը, պուրակների հիմնումն ու բարեկարգումը, մանկապարտեզների նորոգումն ու բարեկարգումը, ճանապարհների կառուցումն ու նորոգումը և այլն։

«Հայաստանի կառավարությունը կանի հնարավորն Ադրբեջանի հետ խաղաղության դաշմանագիրը օրն կնքելու համար, բայց դա հնարավոր կլինի, միայն եթե երկու երկրները ճանաչեն միմյանց սահմափային ամբողջականությունը», - երեկ՝ կառավարության նախորդ արված ծրագրի կատարման գեկույցը ներկայացնելիս, հայասարտեց վարչադեմ Փաշինյանը։

«Հայաստանի եւ Ադրբեջանի միջեւ խաղաղության պայմանագիրն իրատեսական կղառնա, եթե երկու երկրները հստակ, առանց երկիմաստությունների եւ որոգայթների միմյանց տարածքային ամբողջականությունը ճանաչեն եւ պարտավորվեն այսօր եւ երբեք միմյանց տարածքային պահանջներ չներկայացնել։ Ես հիմա ուզում եմ վերահաստատել, որ Հայաստանի Հանրապետությունը լիարժեք ճանաչում է Ադրբեջանի տարածքային ամբողջականությունը, եւ ակնկալում ենք, որ Ադրբեջանը նույնը կանի՝ Հայկական ԽՍՀ ամբողջ տարածքը ճանաչելով որպես Հայաստանի Հանրապետություն», - ասաց նա։

Փաշինյանը հայտարարեց՝ միեւնույն ժամանակ հնարավոր պայմանագրի իրագործման երաշխավորման համար անհրաժեշտ է, որ ձեւավորվեն միջազգային մեխանիզմներ. «Հակառակ դեպքում պայմանագրի ստորագրման հաջորդ օրը կարող է պատերազմ բռնկվել կամ նոր էսկալացիա տեղի ունենալ։ Կարելի է նաեւ կողմերի միջեւ ծագած վեճերի լուծման մեխանիզմների գոյությունը, որ եթե կողմերը ի վիճակի չլինեն ծագած խնդիրները՝ պայմանագրի տեքստի մեկնաբանությունների հետ կապված, ուղիղ բանակցություններով լուծել, լինի ատյան, որը դա կանի, եւ որի որոշումը պարտադիր լինի կողմերի համար»։

Ի՞նչ սահմաններով Հայաստանն ու Ադրբեջանը պետք է ճանաչեն միմյանց տարածքային ամբողջականությունը. Փաշինյանը խոսեց հայկական եւ ադրբեջանական ԽՍՀ-ների սահմանների մասին, սակայն առանց հստակեցնելու, թե բանակցությունների ընթացքում որ թվականի սահմաններն են հիմք ընդունվում։

«Մենք ինքներս ենք առաջարկել, որ պայմանագրին կցվեն Հայկական եւ Ադրբեջանական ԽՍՀ-ների՝ ԽՍՀՄ կողմից հաստատված քարտեզները՝ որպես երկու երկրների տարածքային ամբողջականության հիմք։ Բայց այստեղ է, որ



հասնում ենք ամենամեծ ու ամենաբարդ խնդրին՝ Լեռնային Ղարաբաղին», - շեշտեց նա։

Ինչպե՞ս է կառավարության ղեկավարը պատկերացնում Լեռնային Ղարաբաղի հարցի լուծումը. այս հարցին վարչապետը հստակ պատասխան չտվեց, սակայն խոսեց ինքնորոշման իրավունքի սկզբունքի մասին՝ դարձյալ ակնարկելով, որ այն իրականում Ղարաբաղի անկախության համար հիմքեր չի ստեղծել. «Եվ այս համատեքստում, իհարկե, չափազանց կարելի է, որ Բաքվի ու Ստեփանակերտի միջեւ բանակցությունների, երկխոսության միջազգային մեխանիզմ ձեւավորվի, եւ այդ մեխանիզմն ապահովի Լեռնային Ղարաբաղի հայության իրավունքների եւ անվտանգության ապահովման օրակարգի իրացումը»։

Ընդդիմադիր «Հայաստան» խմբակցության պատգամավոր Արթուր Խաչատրյանը պնդեց՝ ինքնորոշման իրավունքի սկզբունքի ու Արցախի հարցում

Փաշինյանի այսօրվա դիրքորոշումը արտահայտված չէ 2021 թվականի նախընտրական ծրագրում։

«2018 թվականից սկսած՝ Դուք ասում էիք, որ այդ որոշումը, լուծումը պետք է ընդունելի լինի Հայաստանի, Ադրբեջանի եւ Ղարաբաղի ժողովուրդների համար։ Խնդրեմ նշեք, կրկնում եմ, առանց երկիմաստությունների որոգայթի, թե որն է Ձեր պատկերացմամբ Ղարաբաղի ապագա կարգավիճակը», - շեշտեց պատգամավորը։

«Բանակցային բովանդակությունն ու հանրային խոսույթը պետք է համընկնեն իրար՝ մի բան, որ տասնամյակից ավելի այդպես չի եղել,- պնդեց Փաշինյանը։- Նաեւ իմ սխալն է. ես եկել եմ 2018 թվին, ես էլ չեմ արել դա, ես էլ եմ սխալ արել, բայց այդպես է։ Ես այսօր ի՞նչ եմ ասում. ասում եմ՝ եկեք որոշենք՝ կամ առերեսվում ենք, եւ ասում եմ՝ եթե մենք այս իրողության հետ չառերեսվենք, չի ստացվելու»։

ԼՈՒՐԵՐ ՆՇԱՆԱԿՎԵԼ Է ՏԵՂԱԿԱԼ

Վարչապետ Նիկոլ Փաշինյանը որոշում է ստորագրել՝ նշանակում կատարելու մասին։

«Դեկավարվելով «Հանրային ծառայության մասին» Հայաստանի Հանրապետության օրենքի 9-րդ հոդվածի 1-ին մասով՝ Աշխեն Շիրվանյանին նշանակել էլ կոնսուլային նախարարի տեղակալ», - նշվում է որոշման մեջ։

ՌԳ-Ն ՏԵՂԱԿ ԶԷ

Կրեմլի տրամադրության տակ չկա տեղեկություն Չինաստանի հետ միասին Ֆրանսիայի նախագահ Էմանուել Մակրոնի՝ Ռուսաստանի եւ Ուկրաինայի միջեւ

բանակցությունների վերաբերյալ. այս մասին երեքշաբթի լրագրողներին ասել է ՌԳ նախագահի մամուլի քարտուղար Դմիտրի Պեսկովը։

«Մեզ հայտնի չէ ինչ-որ ֆրանսիական պլանի գոյության մասին, եւ, հետեւաբար, մենք ֆրանսիական կողմից ոչինչ չենք ստացել», - ասել է Կրեմլի ներկայացուցիչը։

«Այնտեղ, իսկապես, ինչ-որ տեղեկություններ եղել են այն մասին, որ, իբր, Չինաստան այցի ժամանակ ֆրանսիական կողմն ինչ-որ տարրեր է հնչեցրել, բայց մինչ այժմ դրանք՝ այդ տարրերը, ոչ մի տեղ չեն դրսեւորվել», - ավելացրել է Պեսկովը։

Ավելի վաղ Le Monde թերթը տեղեկացրել էր, որ Մակրոնի այցը Չինաստան չի հանգեցրել Պեկինի դիրքորոշման փոփոխության ուկրաինական հակամարտու-

թյան եւ Ռուսաստանի հարցում։ Մակրոնը Չինաստան կատարած պետական այցի ժամանակ նաեւ Չինաստանի նախագահ Սի Շինփինին ասել էր, որ ուկրաինական հակամարտության կարգավորման գործում Պեկինի միջնորդության հույս ունի։

ՊԱՇՏՈՆԱԿԱՆ ԱՅՑ

Հանրապետության նախագահ Վահագն Խաչատրյանն ապրիլի 18-20-ը պաշտոնական այցով կմեկնի Լիտվայի Հանրապետություն։

Այցի շրջանակներում նախագահը հանդիպումներ կունենա Լիտվայի նախագահի եւ բարձրաստիճան ղեկավարության հետ, կմասնակցի հայ-լիտվական գործարար համաժողովի բացմանը։

ՄԵՂԱԳՐԱՆԵՐ

ԴԱՏԱԽԱՋՈՒԹՅՈՒՆԸ ՄԱՆՐԱՄԱՍՆԵՐ Է ՀԱՅՏՆՈՒՄ

ՀՀ նախկին վարչապետ Հ.Ա.-ն, 2006 թվականից մինչև 2016 թվականի սեպտեմբերի 8-ն ընկած ժամանակահատվածում հանդիսանալով հանրային դաժանագրադեցող դաժանասար անձ, անցել է դաժանակալի լիազորությունները, ինչպես նաև, ձեռնարկատիրական գործունեություն իրականացնելու արգելքին հակառակ, վստահված անձանց միջոցով մասնակցել է ավագի արդյունահանմանը գրադող «Ավագահատիկ» ՍՊ ընկերության կառավարմանը՝ օրինակահանգներով դրա արդյունքում հանցավոր ճանադարհով ստացված առանձնադեպ խոսքը չափերով գույքերը:



համար կարող են առաջանալ անբարենպաստ հետեանքներ, ընդհուպ՝ զբաղեցրած պաշտոնից ազատում, 2007 թվականի նոյեմբերի 26-ի թիվ 81 որոշմամբ միակողմանի լուծել է «Ավագահատիկ» ՍՊ ընկերության հետ կնքված վարձակալության պայմանագիրը և մինչև հողի նպատակային նշանակության փոփոխումը արգելել է ավագի հանույթը:

2008 թվականի հունիս 11-ին, 24-ին, հուլիսի 2-ին, 7-ին ՀՀ նախագահի աշխատակազմի ղեկավարի պաշտոնը զբաղեցրած Հ.Ա.-ն, «Ավագահատիկ» ՍՊ ընկերության 60 տոկոսի բաժնետեր Գ.Գ.-ի ընկերոջ՝ Կ.Կ.-ի միջնորդությամբ իր աշխատակալում տեղի ունեցած հանդիպման ժամանակ Գ.Գ.-ին ներկայացրել է ապօրինի պահանջ, այն է՝ «Ավագահատիկ» ՍՊ ընկերության 60 տոկոս բաժնեմասը իր եղբոր՝ Յ.Ա.-ի և տվյալ պահին ՀՀ ոստիկանության պետի պաշտոնը զբաղեցնող Ա.Ս.-ի ներկայացուցչի անվամբ համամասնորեն գրանցելու վերաբերյալ: Գ.Գ.-ն, այլ ելք չուներ, ընկերության հետագա գործունեությունը շարունակելու նպատակով ստիպված ընդունել է այդ պահին ՀՀ նախագահի աշխատակազմի ղեկավարի պաշտոնը զբաղեցնող Հ.Ա.-ի առաջարկը և իրեն պատկանող բաժնեմասի 30 տոկոսը վաճառել է վերջինիս եղբորը՝ Յ.Ա.-ին, իսկ մյուս 30 տոկոսը՝ ոստիկանության պետ Ա.Ս.-ի եղբոր՝ Բ.Ս.-ի աներորդուն՝ Խ.Ա.-ին:

Այսուհետև Հ.Ա.-ի եղբայր Յ.Ա.-ն Նորամարտի գյուղապետարանում հանդիպել է համայնքի ղեկավար Ա.Գ.-ին և վերջինիս հետ ձեռք բերել պայմանավորվածություն՝ 5 հա հողատարածքը վարձակալությամբ կրկին «Ավագահատիկ» ՍՊ ընկերությանը տալու ձեռնարկ մրցույթ կազմակերպելու շուրջ: 2008 թվականի հուլիսի 22-ին կայացած ձեռնարկ մրցույթի արդյունքում հաղթող է ճանաչվել «Ավագահատիկ» ՍՊ ընկերությունը: Դրանից հետո կնքվել է պայմանագիր, որով նշված հողատարածքն ավագի արդյունահանման նպատակով 25 տարի ժամկետով 90 հազար դրամ տարեկան վարձավճարով կրկին վարձակալության է տրամադրվել «Ավագահատիկ»

ՍՊԸ-ին՝ այդպիսով փաստացի հնարավորություն տալով նշված ընկերությանը իրականացնել ավագի հանույթը:

Վերոնշյալ եղանակով արտոնություններ են առավելություններ են տրամադրվել «Ավագահատիկ» ՍՊ ընկերությանը, որից հետո ընկերությունը շարունակել է ավագի արդյունահանումը՝ եկամուտներ ապահովելով դրա 60 տոկոս բաժնեմասին փաստացի տիրապետող Հ.Ա.-ի համար:

2008-2015 թվականների ընթացքում Հ.Ա.-ն, վստահված անձանց միջոցով ապօրինի մասնակցելով «Ավագահատիկ» ՍՊ ընկերության գործունեությանը, ավագի հանքի շահագործումից ստացել է շուրջ 230 մլն 400 հազար դրամի շահույթ:

Ձեռնարկատիրական գործունեությանն ապօրինի մասնակցելու արդյունքում ձեռք բերված վերոնշյալ դրամական միջոցներն օրինականացնելու դիտավորությամբ, դրանց հանցավոր ծագումը խեղաթուրելու, իրական պատկանելիությունը թաքցնելու նպատակով Հ.Ա.-ն վերոնշյալ գումարը միախառնել է իր այլ եկամուտների հետ, ապա տարատեսակ քաղաքացիաիրավական գործարքների, այդ թվում՝ տարբեր գույքեր ձեռք բերելու, բանկային գործարքներ կատարելու եղանակներով դրանց հաղորդել է օրինական տեսք:

Մասնավորապես՝ Հ.Ա.-ն ինչպես 2008-2015 թվականների ընթացքում, այնպես էլ դրանից հետո՝ ներառյալ 2018 թվականը, ձեռք է բերել և իր ու իր հետ փոխկապակցված անձանց անուններով հաշվառել է մեկ տասնյակից ավելի տարբեր արժողության գույքեր:

Վերոնշյալ գործողությունների հետեանքով թաքցվել է գույքերի իրական պատկանելիությունը, խեղաթուրվել է դրանց հանցավոր ծագումը, ինչի արդյունքում օրինականացվել է հանցավոր ճանապարհով ստացված նշված առանձնապես խոշոր չափերի՝ 230 մլն 400 հազար դրամը:

Հսկող դատախազը սեփական նախաձեռնությամբ 2023 թվականի ապրիլի 17-ին որոշում է կայացրել Հ.Ա.-ի նկատմամբ 18.03.2003 թվականին ընդունված ՀՀ քրեական օրենսգրքի 190-րդ հոդվածի 3-րդ մասի 1-ին և 3-րդ կետերով (պաշտոնեական դիրքն օգտագործելով՝ հանցավոր ճանապարհով ստացված առանձնապես խոշոր չափերով գույքն օրինականացնելը (փողերի վաճառում)), 309-րդ հոդվածի 1-ին մասով (պաշտոնեական լիազորություններն անցնելը) և 310-րդ հոդվածով (ձեռնարկատիրական գործունեությանն ապօրինի մասնակցելը) հանրային քրեական հետապնդում հարուցելու մասին:

Որոշումը նույն օրն ուղարկվել է վարչախոս իրականացնող ընկիչին՝ Հ.Ա.-ին մեղադրանք ներկայացնելու համար:

ԼՈՒՐԵՐ

ՄՊԱՆ ԿԱԼԱՆԱՎՈՐՎԵԼ Է

Փաստեր են ձեռք բերվել այն մասին, որ պաշտպանության բանակի N զորամասի հրամանատարի տեղակալ գնդապետը ռազմական դրության պայմաններում 2020 թ. հոկտեմբերի 10-ից նոյեմբերի 3-ն ընկած ժամանակահատվածում, հիվանդության սիմուլյացիա է դրսեւորել:

Ստացիոնար բուժում չպահանջող առողջական խնդրի պայմաններում նա 23 օր ստացիոնար բուժում է ստացել բժշկական հաստատությունում, որը հանգեցրել է վերջինիս կողմից գինվորական ծառայության առանձին պարտականությունների կատարումը ժամանակավորապես դադարեցնելուն:

Ձեռք բերված փաստական տվյալների հիման վրա՝ բարձրաստիճան սպայի նկատմամբ հանրային քրեական հետապնդում հարուցելու միջնորդություն է ներկայացվել հսկող դատախազին, ում կողմից միջնորդությունը բավարարվել է: Նրան մեղադրանք է ներկայացվել՝ ՀՀ նախկին քրեական օրենսգրքի 363-րդ հոդվածի 5-րդ մասով (համապատասխանում է գործող ՀՀ քրեական օրենսգրքի 527-րդ հոդվածի 3-րդ մասին):

Միջնորդություն է ներկայացվել մեղադրյալի նկատմամբ երկամսյա ժամկետով կալանքը որպես խափանման միջոց կիրառելու վերաբերյալ, որը դատարանի կողմից բավարարվել է:

Նախաքննությունը շարունակվում է:

ՕՊԵՐԱՏԻՎ ԲԱՅԱՀԱՅՏՈՒՄՆԵՐ

ՀՀ պետական եկամուտների կոմիտեն ներկայացնում է 2023 թվականի ապրիլի 1-ից 15-ն ընկած ժամանակահատվածում ՊԵԿ հետաքննության և օպերատիվ հետախուզության վարչության իրականացրած հարկային իրավախախտումների կանխման, խափանման և բացահայտման ուղղությամբ համալիր օպերատիվ-հետախուզական միջոցառումների արդյունքները:

17 դեպքով արձանագրվել են առանց համապատասխան հաշվարկային փաստաթղթեր դուրս գրելու ընդհանուր 5,933,959 ՀՀ դրամի՝ ՀՀ հարկային օրենսգրքի պահանջների խախտումով ապրանքների տեղափոխման կամ մատակարարման դեպքեր: Հնարավոր տուգանքի գումարը կազմում է 8,169,900 ՀՀ դրամ:

3 դեպքով կազմվել են ապօրինի ձեռնարկատիրական գործունեությանը զբաղվելու վերաբերյալ արձանագրություններ: Ապօրինի ձեռնարկատիրական եկամտի չափը կազմել է 3,490,000 ՀՀ դրամ: Հնարավոր տուգանքի գումարը կազմում է 1,800,000 ՀՀ դրամ:

3 դեպքով արձանագրվել են լիցենզավորման կամ ծանուցման ենթակա գործունեությունն առանց լիցենզիայի կամ առանց ծանուցման իրականացնելու կամ առանց թույլտվության կամ առանց լիցենզիայի ընդերքը կամ բնական պաշարներն օգտագործելու խախտումներ: Արձանագրված խախտումների գումարը կազմում է 170,550,000 ՀՀ դրամ:

ՊԱՆՐԻ ԱՐՏԱԳՐՈՒԹՅՈՒՆ

ՏՈՒԳԱՆՎԵԼ ԵՆ 13 ՄԼՆ ԴՐԱՄՈՎ

Մրցակցության դաժանության հանձնաժողովը հասարակության մոլորեցման դրսևորումներով անբարեխիղճ մրցակցության համար դասասխանակության միջոցներ է կիրառել կաթնամթերք արտադրող «Ամասիայի գլխավոր դաժանագործարան» ՍՊԸ-ի, «Ադարանի դաժան գործարան» ՓԲԸ-ի և «Մեր երկիր» ՍՊԸ-ի նկատմամբ:

Այս մասին հարողագրություն է տարածել ՄՊՀ-ն: Վարույթների քննության արդ-

յունքում հանձնաժողովն արձանագրել է, որ «Ամասիայի գլխավորող պանրագործարան» ՍՊԸ-ի կողմից արտադրվել և իրացվել է բուսական յուղի առկայությամբ պանիր, իսկ «Ադարանի պանրի գործարան» ՓԲԸ-ի և «Մեր երկիր» ՍՊԸ-ի կողմից արտադրված մածուկների, ինչպես նաև «Մեր երկիր» ՍՊԸ-ի կողմից արտադրված կաթի փաթեթավածքների վրա մակնշվել է իրականությանը չհամապատասխանող յուղայնության չափի վերաբերյալ տեղեկատվություն:

Արդյունքում հանձնաժողովը, ս.թ. ապրիլի 11-ի թիվ 167-Ա որոշմամբ, «Ամասիայի գլխավորող պանրագործարան» ՍՊԸ-ի նկատմամբ նշանակել է 9 146 440 ՀՀ դրամի, թիվ 165-Ա և թիվ 166-Ա որոշումներով՝ «Մեր երկիր» ՍՊԸ-ի նկատմամբ՝ ընդհանուր 2 990 578 Հայաստանի Հանրապետության դրամի, և թիվ 164-Ա որոշմամբ՝ «Ադարանի պանրի գործարան» ՓԲԸ-ի նկատմամբ՝ 600 947 ՀՀ դրամի չափով տուգանքներ:

● Ըստ ոստիկանության տվյալների՝ ապրիլի 17-ից 18-ը Հայաստանի Հանրապետությունում բացահայտել են հանցագործության 49 դեպք, որոնցից 4-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՍԱՐՁ

ԲԺԻՇԿՆԵՐԻ ՊԱԿԱՍ ԿԱ

Տավուշի մարզի առողջապահական հիմնարկներում բժիշկ-մասնագետների պակաս է զգացվում: Մարզում բժիշկներ կան, որոնք վարդուց կենսաթոշակային տարիքի են, սակայն փոխարինող բժիշկ չլինելու պատճառով շարունակում են աշխատել: 77 տարեկան ժրժեռատ Մաճկալյանը Բերդի տարածաշրջանի միակ ակնաբույժն է, որը սպասարկում է չափահասներին և երեխաներին: Նա 1971 թվականին է ավարտել Երևանի պետական բժշկական ինստիտուտը՝ թերապեւտի որակավորմամբ, սակայն Բերդի տարածաշրջանում ակնաբույժ չլինելու պատճառով եւս 3 տարի մասնագիտացել է ակնաբուժության մեջ: Ժ. Մաճկալյանի խոսքերով՝ բժշկական ինստիտուտ ավարտելուց հետո ինքը հնարավորություն է ունեցել մնալ, աշխատել Երևանում, սակայն ընտրել է իր հայրենի տարածաշրջանը: Նա ասում է, որ հիմա երիտասարդ բժիշկները չեն ցանկանում հեռավոր մարզերում աշխատել, քանի որ այնտեղ բժշկական գործիքների պակաս կա, համապատասխան պայմաններ չկան: Տավուշի մարզպետ Յակ Ղալումյանին տեղեկատվական հարցում են ուղարկել՝ հարցնելով, թե մարզպետարանի ենթակայության տակ գործող առողջապահական հիմնարկներում քանի կենսաթոշակառու բժիշկ է աշխատում, այդ բժշկական հիմնարկությունները ինչ կադրերի պակաս ունեն: Մարզպետարանից ստացված գրավոր պատասխանում նշված է, որ Տավուշի մարզպետարանի ենթակայությամբ գործում է 21 բժշկական հաստատություն, դրանց աշխատակիցների ընդհանուր թիվը 638 է, որից կենսաթոշակի տարիքի են 96-ը: Մարզի բուժհաստատություններում կադրային պահանջարկն այսպիսին է՝ «Իջեանի ԲԿ» - մանկական անեսթեզիոլոգ-ռեանիմատոլոգ-1, շտապ օգնության բժիշկ-4, քիթ-կոկորդ-ականջաբան-1, «Իջեանի ԱՄԿ»-ընտանեկան բժիշկ-2, «Արծվաբերդի ԱԿ» ՊՈԱԿ-մանկաբույժ-1, «Մովսեսի ԱՄԿ» ՊՈԱԿ-մանկաբույժ-1, «Նոյեմբերյանի ԲԿ» ՓԲԸ-թերապեւտ-1, հեմոդիալիզի բժիշկ-1, կյարդաբան-1, սրտաբան-1, մանկաբույժ-1, վիրաբույժ-1, շտապ օգնության բժիշկ-1, «Բագրատաշենի ԳԲԱ» ՊՈԱԿ-ընտանեկան բժիշկ-1, ինչպես նաև 4 ընտանեկան բժիշկ-տնօրեն՝ Ներքին Կարմիրաղբյուրի, Արծվաբերդի, Խաչաթառակի, Ազատամուտի ԱՄԿ-ներում:

ԻՆՉՔԱՆ ԳՈՒՄԱՐ ԿԾԱՆՍՎԻ

Տավուշի մարզպետարանի շուրջ յոթ տասնյակ աշխատակիցներից միայն մեկը՝ Մարինե Խաչատրյանն է մշակույթի ոլորտում աշխատում: Նա չունի մշակութային կրթություն, այլ բուհ է ավարտել, մշակույթի որևէ բնագավառում ստեղծագործող չէ: Մարզպետարանը մշակութային միջոցառումներ կազմակերպելու առումով ակտիվ չէ: Ի պատասխան «Ժողովուրդ» օրաթերթի հարցմանը՝ Տավուշի մարզպետարանից հայտնել են, որ 2023 թվականի 33 պետական բյուջեում նախատեսված 2 միլիոն 572 հազար դրամ ընդհանուր գումարով Տավուշի մարզում կիրականացվի մշակութային 4 միջոցառում:

ՈՍԿԱՆ ՍԱՐԳՅԱՆ
Տավուշ


ՓՈՂԵՐԻ ԼԿԱՑՈՒՄ

ԹՄԲԱՄԻՋՈՑՆԵՐԻ ԱՊՕՐԻՆԻ ՇՐՋԱՆԱՌՈՒԹՅՈՒՆ

Բացահայտվել է երեսնամյակ ամուսինների կողմից կասարված թմրամիջոցների ադորինի ԵՐԶԱՆՈՒՅՈՒՅԱՆ, ինչպես նաև հանցավոր ճանապարհով ստացված առանձնադեմ խոշոր չափերով գույքի օրինականացման դեպք: Նախաքննությունն ավարտվել է:

33 քննչական կոմիտեի 349 քննության գլխավոր վարչության մարդկանց թրաֆիքինգի, անչափահասների սեռական անձեռնմխելիության դեմ ուղղված և թմրամիջոցների ապօրինի շրջանառության հանցագործությունների քննության վարչության քննիչների կողմից իրականացված քննչական և վարչության մեծածավալ գործողությունների արդյունքում ձեռք բերված փաստական տվյալներով հիմնավորվել է, որ Երեւան քաղաքի 26-ամյա բնակիչը 2019թ. Նոյեմբերից համացանցի «Telegram» հեռահաղորդակցման հավելվածում ստեղծել է կառավարել է «Shoko.178», «Shoko 178» և գրեթե նույնանուն այլ առցանց խանութ-հարթակներ: Դրանց միջոցով վաճառվող թմրամիջոցների համար, որպես գումարի ստացման վճարային գործիք, նա տեղադրել է այլ անձանց անուններով գրանցված, սակայն իր կողմից կառավարվող էլեկտրոնային դրամապանակների վերաբերյալ տեղեկատվություն և 2019-2021թթ. ընթացքում նշված խանութ-հարթակների միջոցով տարբեր անձանց ապօրինի իրացրել է առանձնապես խոշոր չափերով թմրամիջոց:

Մասնավորապես, 26-ամյա երիտասարդի կողմից կառավարվող տեղագրման վերոնշյալ խանութ-հարթակների միջոցով թմրամիջոց ձեռք բերելու շուրջ նա մակագրություններ վարած անձանց հետ համաձայնության գալուց հետո՝ երիտասարդի հաշվին գումարի մուտքագրման փաստը հաստատող անդորրագրի լուսանկարները գնորդների կողմից փոխանցվելուց հետո, նրանց է ուղարկվել Երեւան



քաղաքում գտնվող թաքստոցներում նախապես տեղադրված, ըստ քաջերի առանձնացված և փաթեթավորված թմրամիջոցների տեղակայման լուսանկարները՝ ճշգրիտ աշխարհագրական կոորդինատներով: Նշված եղանակով երիտասարդի կողմից առանձնապես խոշոր չափերով առնվազն 162 գրամ «MDMB-2201 (5F-MDMB-PICA)» տեսակի թմրամիջոց է ապօրինի իրացվել բազմաթիվ անձանց: Ձեռք բերված տվյալների համաձայն՝ թմրամիջոցների իրացումից ստացված ընդհանուր 53.479.443 33 դրամի հանցավոր ծագումը, դրանց իրական բնույթը թաքցնելու, տեղաշարժի ու տեղաբաշխումը քողարկելու, դրանց օրինական տեսք հաղորդելու նպատակով 26-ամյա երիտասարդը, իր 24-ամյա կնոջ օժանդակությամբ, նշված գումարները փոխանցել է տարբեր անձանց անուններով գրանցված, սակայն իր և կնոջ կողմից փաստացի կառավարվող ինչպես օտարերկրյա, այնպես էլ 33-ում գրանցված տարատե-

սակ էլեկտրոնային դրամապանակներին: Այսպես նույն եղանակով դրանք փոխանցվել են ամուսինների էլեկտրոնային դրամապանակներին, կանխիկացվել կամ այլ կերպ տնօրինվել նրանց կողմից: Ձեռք բերված բավարար փաստերի համակցությամբ երիտասարդին մեղադրանք է ներկայացվել՝ իրացնելու նպատակով առանձնապես խոշոր չափերով թմրամիջոցների ապօրինի շրջանառության, առանձնապես խոշոր չափերով փողերի լվացման համար: Նրա նկատմամբ որպես խափանման միջոց է կիրառվել կալանավորումը: Վերջինիս կնոջը մեղադրանք է ներկայացվել առանձնապես խոշոր չափերով փողերի լվացման օժանդակելու համար: Ամուսինների մասով նախաքննությունն ավարտվել է, և քրեական վարույթի նյութերը՝ մեղադրական եզրակացությամբ, ուղարկվել են հսկող դատախազին՝ այն հաստատելու և դատարան ուղարկելու համար:

ԼՈՒՐԵՐ

ԱՐՏԱՔԱՆՈՒՄԸ ԿԵԱՐԳԱՎՈՐՎԻ

Հայաստանից Ռուսաստան կաթնամթերքի մատակարարումը դադարեցնելուց հետո սկսված բանակցությունները՝ ուղղված սահմանափակման վերացմանը, ապրիլի 17-ին շարունակվել են Մոսկվայում:

ՌԴ Ռոսսելխոզնադորի ղեկավար Սերգեյ Դանկվերտը և 33 սննդամթերքի անվտանգության տեսչական մարմնի ղեկավար Արմեն Հայրապետյանը քննարկել են կողմերին հուզող խնդիրները՝ կապված Ռուսաստանում շրջանառության թույլտվություն չունեցող իրանական հումքից պատրաստված կաթնամթերքի արտահանման հետ:

Կողմերը երկուստեք դրսևորել են կառուցողական մոտեցում և պայմանավորվել խնդիրը կարգավորել փուլ առ փուլ:

Ըստ այդմ Հայաստանի կաթնամթերք արտադրող ու արտահանող կազմակերպություններին, որոնք աշխատում են միայն տեղական և ՌԴ-ում թույլատրված հումքով, առաջարկում ենք դիմել ՍՆՆ-դամթերքի անվտանգության տեսչական մարմին՝ իրենց ընկերություններում ուսումնասիրություններ և վերահսկողություն իրականացնելու համար: Այն կազմակերպությունները, որոնք կբավարարեն

սահմանված պահանջները, կներկայացվեն Ռոսսելխոզնադորի դիտարկմանը: Այս գործընթացը հնարավորություն կտա որոշակի ժամանակահատվածում ամբողջությամբ վերականգնել դեպի ռուսական շուկա հայկական կաթնամթերքի արտահանման նախկին ծավալները:

ՃԱՆԱԶՎԵԼ Է ՀԱԿԱՍԱՐՄԱՆԱԳՐԱԿԱՆ

Պաշտպանի դիմումի հիման վրա՝ սույն թվականի ապրիլի 11-ին Սահմանադրական դատարանը հակասահմանադրական է ճանաչել զինված ուժերի, ոստիկանության, ազգային անվտանգության, դատախազության մարմինների ծառայողների, ինչպես նաև դատավորների և Սահմանադրական դատարանի դատավորների համար սահմանված՝ արիեստացական կազմակերպության մասնակից լինելու բացարձակ արգելքը:

ՄԻԴ-ից հայտնում են, որ Սահմանադրական դատարանը Սահմանադրությանը հակասող ճանաչված դրույթների ուժը կորցնելու վերջնաժամկետ է սահմանել 2023 թվականի նոյեմբերի 11-ը՝ հնարավորություն տալով Ազգային ժողովին մի շարք օրենքների իրավակարգավորում-

ները համապատասխանեցնելու ՍԴ որոշմանը:

Նույն որոշմամբ Սահմանադրական դատարանը նաև Սահմանադրությանը համապատասխանող է ճանաչել ազգային անվտանգության մարմինների ծառայողի՝ կրոնական կազմակերպության անդամ լինելու և զինծառայողի՝ կրոնական միավորումներ ստեղծելու արգելք սահմանող դրույթները:

Հիշեցնենք, որ 2022 թվականի օգոստոսի 23-ին Պաշտպանը դիմում էր ներկայացրել Սահմանադրական դատարան՝ վիճարկելով «Ռոստիկանությունում ծառայության մասին» 33 օրենքի 39-րդ հոդվածի 1-ին մասի 7-րդ կետի, «Ազգային անվտանգության մարմիններում ծառայության մասին» 33 օրենքի 43-րդ հոդվածի 1-ին մասի 8-րդ կետի, «Զինվորական ծառայության և զինծառայողի կարգավիճակի մասին» 33 օրենքի 8-րդ հոդվածի 1-ին մասի 3-րդ կետի, «Արիեստացական միությունների մասին» 33 օրենքի 6-րդ հոդվածի 5-րդ մասի համապատասխանությունը 33 Սահմանադրության 41-րդ, 45-րդ, 78-րդ, 79-րդ հոդվածներին: Պաշտպանը վիճարկել էր սահմանված արգելքների համապատասխանությունը կրոնի ազատության, միավորումների ազատության իրավունքներին, համաչափության և որոշակիության սկզբունքներին:

● Անցած 1 օրվա ընթացքում Հայաստանի Հանրապետությունում արձանագրվել է 15 ՃՏՊ. 21 մարդ ստացել է տարբեր աստիճանի մարմնական վնասվածքներ:

«ՔՈ ԱՐՎԵՍԱԸ՝ ԴՊՐՈՑՈՒՄ»

ԿԳՄՄՆ-Ն ՆՈՐ ԾՐԱԳԻՐ Է ՄԵԿՆԱՐԿԵԼ

ՀՀ ԿԳՄՄ նախարարության աջակցությամբ՝ ապրիլի 17-ից մեկնաբերվում է «Քո արվեստը՝ դպրոցում, մասնագիտության որոնումներում» հանրառեական ծրագրի նոր փուլը: Ծրագրի մեկնաբերի միջոցառմանը ներկա են եղել ՀՀ ԿԳՄՄ նախարար Ժամնա Անդրեասյանը, նախարարի տեղակալներ Արա Խզմալյանը և Արա Խզմալյանը: ԿԳՄՄ նախարար Ժամնա Անդրեասյանը ողջունել է մասնակից աշակերտներին՝ կարևորելով ծրագրի իրականացումը. «Այս ծրագրի շնորհիվ՝ դուք հնարավորություն ունեցե՛ք ծանոթանալու արվեստի բոլոր ճյուղերին»:



Ծրագրի առաջին շրջափուլը մեկնաբերվում է Երեւանից եւ կկայանա ապրիլի 17-ից մայիսի 5-ը Գ. Սունդուկյանի անվան ազգային ակադեմիական թատրոնի փոքր բեմում (Black box): Առաջին շրջափուլին կմասնակցի Երեւանի 100 հանրակրթական դպրոցի 900 աշակերտ: Առաջին հանդիպմանը տեղի կունենա դասախոսություն-հանդիպում 33 ժողովրդական արտիստ Ռուբեն Մաթետոսյանի հետ: Նախարարի տեղակալ Արա Խզմալյանը խորհրդանշական է համարել առաջին շրջափուլը ժողովրդական արտիստ Ռուբեն Մաթետոսյանի մասնակցությամբ մեկնաբերելու հանգամանքը: «Առաջին մասնագիտությամբ լինելով բանասեր՝ Ռուբեն Մաթետոսյան արվեստագետն այն լավագույն օրինակն է, որ երբեք ուշ չէ խիզախելու եւ նոր ճանապարհ սկսելու՝ նպաստելով տվյալ ոլորտի կայացմանն ու հաջողություններ գրանցելուն»,- ասել է Արա Խզմալյանը: Նախագծի շրջանակում իրականացվելու են Հայաստանի 50 մշակույթի գործիչի, արվեստագետի կյանքի ու գործունեության ճանաչելիության բարձրացմանն ուղղված միջոցառումներ:

Ծրագրին կմասնակցի 33 մարզերի եւ Երեւանի շուրջ 3600 դպրոցական՝ 450 դպրոցից: Նախատեսվում է իրականացնել հանդիպումներ ինտերակտիվ ձեւաչափով. երեխաները հնարավորություն կունենան ստանալու ոչ միայն տեսական գիտելիքներ, այլեւ անմիջականորեն կդիտեն տվյալ արվեստագետի ներկայացումը, համերգային կատարումը, մասնակցություն կունենան հյուրի կողմից տեղում անցկացվող վարպետության դասին, արվեստի նմուշների ցուցադրմանը, ինչը հետագայում կարող է օգնել նրանց մասնագիտական կողմնորոշման հարցում: Յուրաքանչյուր հանդիպման ընթացքում կլինի հարցուպատասխանի նվիրված հատված, որը կնպաստի աշակերտ-արվեստագետ առավել անմիջական շփմանը եւ երեխաներին հետաքրքրող հարցերի պարզաբանմանը:

Շփվելով եւ երկխոսություն ունենալով մեծ հաջողություններ գրանցած եւ փորձառություն ունեցող արվեստագետների հետ՝ դուք ձեռք եք բերելու ոչ միայն հիմնարար գիտելիք, այլեւ արժեքային դաստիարակություն, մասնագիտական կողմնորոշման լայն հնարավորություններ: Նախարարը հաջողություն է մարդել աշակերտներին եւ հույս հայտնել, որ ծրագրով, որը հնարավորություն է տալիս զարգացնելու տաղանդներն ու հմտությունները, կամրապնդվի ոլորտի նկատմամբ հետաքրքրությունը եւ շարունակություն կունենա ապագայում:

Ողջույնի խոսքով հանդես են եկել նաեւ նախարարի տեղակալներ Արաքսիա Սվաջյանը եւ Արա Խզմալյանը: Արաքսիա Սվաջյանի գնահատմամբ՝ ծրագիրն աշխարհայացքի ընդլայնման, արժեքամակարգի ձեւավորման խթան է, որը նպաստում է հայ եւ համաշխարհային մշակույթի նկատմամբ վերաբերմունք եւ մտածողություն ձեւավորելուն: «Արվեստին ծանոթանալու հնարավորությունն անձի զարգացման համար մեծ նշանակություն ունի: Վաղը դուք եք դառնալու արվեստի գլուխգործոցներ ստեղծողներից մեկը եւ այդպիսով մեր մշակույթը ներկայացնողն ու հանրահռչակողը»,- ընդգծել է Արաքսիա Սվաջյանը:

«ԱԿԲԱ» ԲԱՆԿ

ՄՊԻՏԱԿՈՒՄ ՀԻՄՆՎԵԼ Է ԱՐՏԱԴՐՈՒԹՅՈՒՆ

«Մոլիսակ մանուշակ» փոփի սոցիալական ձեռնարկատիրությունը Մոլիսակ ֆաղաֆում ստեղծում է բնական բուսական յուղեր: Արտադրությունում օգտագործվել են 12 բույսերի էֆսրակցիաներ՝ եղինջ, երիցուկ, վարդ, ռեհան, անգամ յասաման ու խասուսիկ, բայց որոշել են որդեա հիմնական արտադրանք ունենալ յուղեր, չիչխանի եւ մասուրի կորիզայուղեր:

«Սպիտակ մանուշակ»-ն «Ակբա ֆեդերացիա»-ի կրթական ծրագրի շահառուներից է, որի ֆինանսավորմամբ հնարավորություն է ստացել մեկ տարվա ընթացքում դառնալ Impact Hub-ի Էկոհամակարգի անդամ: Ծրագրի շնորհիվ սոցիալական ձեռնարկատիրությունը դասընթացներ է անցել ու խորհրդատվություններ ստացել տարբեր ոլորտների մենեջերներից:

Որոշել ենք զբաղվել այն բույսերով, որոնք գիտության մեջ հայտնի են, ու իրենց մասին գրականության մեջ շատ ինֆորմացիա կա»,- նշում է «Սպիտակ մանուշակ» սոցիալական ձեռնարկատիրության հիմնադիր Աշխեն Բաբայանը:

Արտադրության աշխատակիցները կանայք են, որոնք իրավապաշտպան կազմակերպության կողմից, որը զբաղվում է կանանց եւ երեխաների իրավունքների պաշտպանությամբ: Արտադրության աշխատակիցները կանայք են, որոնք իրավապաշտպան կազմակերպության շահառուներն են: «Սպիտակ մանուշակը» դարձել է աշխատատեղ ու կայուն եկամտի աղբյուր. առաջիկայում ցանկանում են ընդլայնել գործունեությունը եւ աշխատելու հնարավորություն ստեղծել Լոռու մարզի 50-ից ավելի կանանց համար:

Ապագայում ապրանքատեսակների կընդլայնեն. շուկայում որպես բուսական յուղ արտադրող դիրքավորվելուց հետո կստեղծեն եթերայուղեր՝ կոսմետիկ նպատակներով:

«Ինչո՞ւ «մանուշակ»: Փոքր լինելով՝ մանուշակի բույրն ինչքան է տարածվում, իսկ փոքր սոցիալական ձեռնարկատիրություն լինելով՝ ունենալու ենք մեծ ազդեցություն: Մեր նպատակն է կանանց աշխատանքով ապահովել, տնտեսապես հզորացնել, լուծենք նրանց հացի խնդիրը եւ ուզում ենք՝ մեր քաղաքը հայտնի դառնա: Երբ ասում են Սպիտակ, բոլորը հիշում են երկրաշարժը: Ուզում ենք գույն հաղորդել:

Այժմ յուղերը վաճառվում են ցուցահանդեսների ժամանակ, շուտով արտադրանքները վաճառքի կլինեն նաեւ դեղատներում եւ գեղեցկության կենտրոններում:

«Ակբա ֆեդերացիա»-ն «Ակբա» բանկի միակ նշանակալից մասնակիցն է, բանկի բաժնետոմսերում ունի 83.8 տոկոս մասնաբաժին: «Ակբա» բանկում ունեցած մասնակցության շնորհիվ՝ «Ակբա ֆեդերացիա»-ն նպաստում է Հայաստանի ողջ տարածքում գյուղատնտեսության, գյուղական շրջաններում փոքր եւ միջին բիզնեսի զարգացմանը, համայնքների զարգացմանը, գյուղական շրջաններում եւ համայնքներում բիզնես միջավայրի աշխուժացմանն ու զարգացմանը, նշված ոլորտներում ձեռնարկատիրական գործունեություն իրականացնող յուրաքանչյուր անձի բարեկեցության անհրաժեշտ պայմանների:

ԼՈՒՐԵՐ

ԱՐԵՎԱԿԻ ԽԱՎԱՐՈՒՄ

Այս շաբաթ երկնային հազվագյուտ իրադարձություն տեղի կունենա: Խոսքը Արեգակի հիբրիդային խավարման մասին է, որը տեղի կունենա հինգշաբթի՝ ապրիլի 20-ին, երբ Լուսինը կհայտնվի Երկրի ու Արեգակի միջեւ եւ կփակի արեւի լույսը դեպի Երկիր:

Այս տեսակի խավարման դեպքում արեւի ամբողջական խավարումից անցում է կատարվում դեպի օղակաձեւ (օղաձեւ) խավարման, երբ Լուսին ստվերն սկսում է շարժվել Երկրի մակերեսից:

Խավարումը տեսանելի կլինի Խաղաղ օվկիանոսի հարավային շրջաններում, այնուհետեւ Լուսինի ստվերը կանցնի արեւմտյան Ավստրալիայի, Արեւելյան Թիմորի եւ Ինդոնեզիայի վրայով: Խավարումը կսկսվի ապրիլի 20-ին՝ ժամը 01:36 GMT (Երեւանի ժամանակով 04:36), եւ կավարտվի Լուսին օրը՝ ժամը 06:59 GMT (Երեւանի ժամանակով 10:59):

Արեւի խավարումը ուղիղ կհեռարձակվի յուրաքանչյուր մի քանի ալիքներով:

Երկրի վրա կա ընդամենը երկու տեղ, որտեղից հնարավոր կլինի դիտել, թե ինչպես է հիբրիդային խավարումն օղակաձեւից անցնում ամբողջականի, այնուհետեւ նորից օղակաձեւի: Ցավոք, երկուսն էլ Խաղաղ օվկիանոսի հեռավոր վայրերում են:

Արեգակի վերջին հիբրիդային խավարումը տեղի է ունեցել 2013-ին, իսկ հաջորդը տեղի կունենա 2031-ին: Դրանից հետո արեւի հիբրիդային խավարում դիտելու համար մարդիկ ստիպված կլինեն սպասել մինչեւ 2164-ի մարտի 23-ը:

Նշենք, որ խավարման ժամանակ Արեւին անգն աչքով նայել չի կարելի, այն կարող է անդամնալի վնաս հասցնել տեսողությանը: Դրա համար կան հատուկ ապակիներ, ֆիլտրեր, տեսախցիկներ:

ՀԱՅՏԱՐԱՐՈՒԹՅՈՒՆ՝ «ԱԿԲԱ» ԲԱՆԿԻՑ

«ԱԿԲԱ ԲԱՆԿ» ԲԲԸ ԲԱԺՆԵՏԵՐԵՐԻ ՏԱՐԵԿԱՆ ԺՈՂՈՎԻՕՐԸ ՏԵՂԱՓՈԽԵԼՈՒ ՎԵՐԱԲԵՐՅԱԼ

«ԱԿԲԱ ԲԱՆԿ» ԲԲԸ խորհուրդը 2023 թվականի ապրիլի 12-ի նիստում որոշում է ընդունել տեղափոխել բանկի բաժնետերերի 2023 թվականի տարեկան ընդհանուր ժողովի անցկացման օրը, որը նախատեսված էր անցկացնել 2023 թվականի ապրիլի 27-ին: «ԱԿԲԱ ԲԱՆԿ» ԲԲԸ տարեկան ընդհանուր ժողովի անցկացման օրվա, վայրի եւ այլ մանրամասների մասին հայտարարությունը լրացուցիչ կհրատարակվի մամուլում, բանկի կայքէջում, ինչպես նաեւ կուղարկվի բոլոր բաժնետերերի էլեկտրոնային փոստի հասցեներին:

● **Ապրիլի 20-ին Արամ Խաչատրյանի համերգատարահում տեղի կունենա «Հայ կոմպոզիտորական արվեստի 14-րդ փառատոն» փակման համերգը: Տոմսերի արժեքը՝ 5000-10000 դրամ: Սկիզբը՝ ժամը 19:00-ին:**



Էջը՝ ՈՂՋԱ ՊՈՂՈՍՅԱՆԻ

ՍՈՑԻԱԼԱԿԱՆ

ՀԱՐՑ. Խնդրում եմ ասել՝ ինչպես է աշխատող կանանց սրամադրվում հղիության և ծննդաբերության արձակուրդ:

Մետաքսյա Մարգարյան (24 տարեկան)



ՊԱՏԱՍԽԱՆ. Դիմողի հարցին ի պատասխան՝ տեղեկացնում ենք, որ աշխատող կանանց տրամադրվում է հղիության և ծննդաբերության արձակուրդ՝ 140 օր (70 օր՝ հղիության, 70 օր՝ ծննդաբերության), 155 օր (70 օր՝ հղիության, 85 օր՝ ծննդաբերության)՝ բարդ ծննդաբերության, 180 օր (70 օր՝ հղիության, 110 օր՝ ծննդաբերության)՝ միաժամանակ մեկից ավելի երեխաներ ունենալու դեպքում:

Այդ արձակուրդը հաշվարկվում է միասին և կնոջը տրամադրվում է ամբողջությամբ: Ժամանակից շուտ ծննդաբերելու դեպքում հղիության արձակուրդի չօգտագործված օրերը գումարվում են ծննդաբերության արձակուրդի օրերին: Նորածին որդեգրած կամ նորածնի խնամակալ նշանակված աշխատողին տրամադրվում է արձակուրդ որդեգրելու կամ խնամակալ նշանակվելու օրվանից մինչև նորածնի 70 օրական (երկու և ավելի նորածին որդեգրելու կամ երկու և ավելի նորածնի խնամակալ նշանակվելու դեպքում՝ մինչև նորածինների 110 օրական) դառնալը:

Փոխնակ մոր միջոցով երեխա ունեցած աշխատողին (երեխայի կենսաբանական մորը) տրամադրվում է արձակուրդ երեխայի ծնվելու օրվանից մինչև նորածնի 70 օրական (երկու և ավելի նորածնի երեխա ծնվելու դեպքում՝ մինչև նորածինների 110 օրական) դառնալը:

ՀՀ աշխատակազմի և սոցիալական հարցերի նախարարություն

«ԺՈՂՈՎՈՒՐԳ». Հայտնում ենք, որ ամենամյա արձակուրդը չօգտագործելու համար դրամական հատուցումը վճարվում է աշխատանքային պայմանագիրը լուծելիս: Հատուցման չափը որոշվում է տվյալ ժամանակահատվածի համար տրամադրման ենթակա ամենամյա արձակուրդի չօգտագործված օրերի քանակով: Եթե աշխատողին ամենամյա արձակուրդը չի տրամադրվել մեկ տարուց ավելի ժամանակահատվածով, ապա հատուցումը վճարվում է չօգտագործված բոլոր արձակուրդների համար:

ԿԱՐԳ

ՀԱՐՑ. Խնդրում եմ ասել՝ կարող են արդյոք դեռուքյան կամ համայնքային սեփականություն հանդիսացող հողամասերը սրամադրվել կառուցադասման իրավունքով: Եվ ուզում եմ խմանալ, թե ինչպես կարող է սնօրինվել հողամասի կառուցադասման իրավունքը:

Հունան Մուրադյան (51 տարեկան)



ՊԱՏԱՍԽԱՆ. Քաղաքացու հարցին ի պատասխան՝ հայտնում ենք, որ պետական կամ համայնքային սեփականություն հանդիսացող հողերը կառուցապատման իրավունքով տրամադրվում են միայն Հայաստանի Հանրապետության հողային օրենսգրքի 60-րդ հոդվածով սահմանված հողամասերից: Կառուցապատման իրավունք ունեցող անձը կարող է այդ իրավունքը տնօրինել՝ փոխանցել այլ անձի, ազատորեն օտարել, գրավ դնել այն, ինչպես նաև կատարել այլ գործարքներ կառուցապատման իրավունքի նկատմամբ: (Հայաստանի Հանրապետության քաղաքացիական օրենսգրքի 2041-րդ հոդված):

Կարաստրի կոմիտե

«ԺՈՂՈՎՈՒՐԳ». Կառուցապատման իրավունքը անձի իրավունքն է այլ անձի պատկանող հողամասում քաղաքաշինական նորմերի ու կանոնների, ինչպես նաև հողամասի նշանակության վերաբերյալ պահանջների պահպանմամբ, սահմանված կարգով կառուցել շենքեր և շինություններ, դրանք վերակառուցել կամ քանդել և կառուցապատման իրավունքի գործողության ժամկետի ընթացքում տիրապետել և օգտագործել այդ գույքը:

ԼՈՒՐ ԿԱՐԴ

Լուսանկարը՝ համացանցից



65 կգ քաշային կարգում ազատ ոճի ըմբշամարտի հավաքականի անդամ Վազգեն Թեանյանը հռչակվել է Եվրոպայի չեմպիոն: Եզրափակչում մեր ըմբիշը 12-1 հաշվով հաղթեց բուլղարացի Նախմին:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել

«Հայմամուկ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Շողովուրդ» օրաթերթի խմբագրություն (010 54-64-23 հեռախոսահամարով), և մենք անպայման կանդրադարձանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից

«Շողովուրդ» օրաթերթին բաժանորդագրվելու համար կարող եք լրացնել հետևյալ բլանկը և ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային ե/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	+3 +7 +15 +19	Արարատ	+9 +12 +24 +26
Կոտայքի լեռներ	+4 +6 +14 +17	Արմավիր	+9 +11 +23 +25
Կոտայքի նախալեռներ	+8 +10 +19 +22	Վայոց ձորի լեռներ	+2 +5 +13 +16
Գեղարքունիք	+3 +7 +14 +17	Վայոց ձորի նախալեռներ	+8 +10 +22 +26
Լոռի	+4 +7 +18 +22	Սյունիքի հովիտներ	+8 +11 +23 +26
Տավուշ	+7 +9 +20+ 24	Սյունիքի նախալեռներ	+4 +6 +16 +21
Արագածոտնի լեռներ	+2 +5 +13 +16	Արցախ	+6 +9 +22 +25
Արագածոտնի նախալեռներ	+8 +11 +19 +24	Երեւան	+9 +11 +23 +25

Լրատվական գործունեություն իրականացնող՝ «Շողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22^ա/3, հեռ.՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 18.04.2023

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրայնաչափում և չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Շողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Շողովուրդ» օրաթերթի այսօրվա համարում»: